



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԱՅՈՅ ՁՈՐԻ ՄԱՐԶ
ՋԵՐՄՈՒԿ ՀԱՄԱՅՆՔ

ք. Ջերմուկ

21/հուլիսի/2021 թ.

ԱՐՁԱՆԱԳՐՈՒԹՅՈՒՆ N 6
ԱՎԱԳԱՆՈՒ ՀԵՐԹԱԿԱՆ ՆԻՍԻՒ

Համայնքի ավագանու նիստին ներկա էին ավագանու⁷ անդամներ:

Համայնքի ղեկավարի հրավերով ավագանու նիստին մասնակցում էին՝ համայնքի ղեկավարի տեղակալներ Սամվել Մարգարյանը և Աշոտ Խաչատրյանը, Կեչուտ և Հերիեր գյուղերի վարչական ղեկավարներ Սեդրակ Ասատրյանը և Անդրանիկ Աբրահամյանը, համայնքի ղեկավարի խորհրդական Հայկ Դավթյանը, աշխատակազմի գլխավոր մասնագետ-ճարտարապետ Արսեն Գառնիկյանը, ֆինանսական բաժնի պետ Արմինե Ղազարյանը:

Նիստը վարում էր Ջերմուկ համայնքի ղեկավար Վարդան Հովհաննիսյանը

Նիստը արձանագրում էր Ջերմուկի համայնքապետարանի աշխատակազմի քարտուղար Գոհար Թադևոսյանը

Լսեցին

ՋԵՐՄՈՒԿ ՀԱՄԱՅՆՔԻ ԱՎԱԳԱՆՈՒ 2021 ԹՎԱԿԱՆԻ ՀՈՒԼԻՍԻ 21-Ի ՆԻՍԻՒ
ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

/Ջեկ. Վարդան Հովհաննիսյան/

«Տեղական ինքնակառավարման մասին» Հայաստանի Հանրապետության օրենքի 14-րդ հոդվածի 6-րդ մասին համապատասխան

1. Հաստատել Ջերմուկ համայնքի ավագանու 2021 թվականի հուլիսի 21-ի նիստի հետևյալ *օրակարգը*.

1.1. Ջերմուկ համայնքի 2021 թվականի բյուջեի երկրորդ եռամսյակի կատարման հաշվետվությունը հաստատելու մասին.

զեկ. համայնքապետարանի աշխատակազմի ֆինանսական բաժնի պետ Ա. Ղազարյան

1.2. Ջերմուկ համայնքի ավագանու 2020 թվականի դեկտեմբերի 24-ի N 80-Ն որոշման մեջ լրացում կատարելու մասին.

զեկ. համայնքապետարանի աշխատակազմի քարտուղար Գ. Թադևոսյան

1.4. Ջերմուկ համայնքի ավագանու 2020 թվականի հոկտեմբերի 2-ի N 65-Ա որոշման մեջ փոփոխություն կատարելու մասին.

զեկ. համայնքապետարանի աշխատակազմի քարտուղար Գ. Թադևոսյան

1.5. Ջերմուկ համայնքի ավագանու 2021 թվականի հունվարի 25-ի N 10-Ա որոշման մեջ լրացում կատարելու մասին

զեկ. համայնքապետարանի աշխատակազմի քարտուղար Գ. Թադևոսյան

1.6. Ջերմուկ համայնքի սեփականություն համարվող Կարմրաշեն գյուղի 2-րդ փողոցի 12-րդ շենքի N 4 բնակարանը անհատույց սեփականության իրավունքով տրամադրելու մասին

զեկ. համայնքապետարանի աշխատակազմի քարտուղար Գ. Թադևոսյան

1.7. Ջերմուկ համայնքի 2021 թվականի հողային հաշվեկշռին համաձայնություն տալու մասին

զեկ. համայնքապետարանի աշխատակազմի գլխավոր մասնագետ-ճարտարապետ Ա. Գառնիկյան

1.8. «Վու Դին» սահմանափակ պատասխանատվությամբ ընկերության կարիքների համար հողամասի սերվիտուտ սահմանելու համաձայնություն տալու մասին.

զեկ. համայնքապետարանի աշխատակազմի գլխավոր մասնագետ-ճարտարապետ Ա. Գառնիկյան

1.9. Ջերմուկ համայնքի Ջերմուկ քաղաքի Շահումյան փողոցի N 7/5/5 հասցեում գտնվող հողամասը կառուցապատման իրավունքով տրամադրելու համաձայնություն տալու, տարեկան վճարի գինը և պայմանները հաստատելու մասին.

զեկ. համայնքապետարանի աշխատակազմի գլխավոր մասնագետ-ճարտարապետ Ա. Գառնիկյան

1.10. Համայնքային սեփականություն համարվող արխիվային փաստաթղթերի սեփականության իրավունքը պետությանը փոխանցելու մասին.

զեկ. համայնքապետարանի աշխատակազմի քարտուղար Գ. Թադևոսյան

1.11. Համայնքային ոչ առևտրային կազմակերպության տնօրենի թափուր պաշտոն զբաղեցնելու մրցութային հանձնաժողովի կազմում համայնքապետարանի աշխատակազմի և համայնքի ավագանու ներկայացուցիչների թեկնածուներ առաջադրելու մասին

զեկ. համայնքապետարանի աշխատակազմի քարտուղար Գ. Թադևոսյան

1.12. Դրամական հատկացում կատարելու մասին

զեկ. համայնքի ղեկավար Վ. Հովհաննիսյան

2. Սույն որոշումն ուժի մեջ է մտնում ստորագրման պահից:

Կողմ 7 Դեմ 0 Ձեռնպահ 0

Որոշումն ընդունված է. /կցվում է որոշում N 48-Ա/

Լսեցին

ՋԵՐՄՈՒԿ ՀԱՄԱՅՆՔԻ 2021 ԹՎԱԿԱՆԻ ԲՅՈՒՋԵԻ ԵՐԿՐՈՐԴ ԵՌԱՄՍՅԱԿԻ ԿԱՏԱՐՄԱՆ ՀԱՇՎԵՏՎՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

/Ձեկ. Արմինե Ղազարյան/

«Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 5-րդ և 6-րդ կետերի, 38-րդ հոդվածի 1-ին մասի 1-ին կետին և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 35-րդ հոդվածի համաձայն՝

1. Հաստատել Ջերմուկ համայնքի 2021 թվականի բյուջեի երկրորդ եռամսյակի կատարման հաշվետվությունը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Կողմ 7 Դեմ 0 Ձեռնպահ 0

Որոշումն ընդունված է. /կցվում է որոշում N 49-Ա/

Լսեցին

ՋԵՐՄՈՒԿ ՀԱՄԱՅՆՔԻ ԱՎԱԳԱՆՈՒ 2020 ԹՎԱԿԱՆԻ ԴԵԿՏԵՄԲԵՐԻ 24-Ի N 80-Ն ՈՐՈՇՄԱՆ ՄԵՋ ԼՐԱՅՈՒՄ ԿԱՏԱՐԵԼՈՒ ՄԱՍԻՆ

/Ձեկ. Գոհար Թադևոսյան/

«Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 3-րդ մասին և 34-րդ հոդվածին համապատասխան՝

1. Ջերմուկ համայնքի ավագանու 2020 թվականի դեկտեմբերի 24-ի «2021 թվականի համար Ջերմուկ համայնքի և համայնքային ենթակայության կազմակերպությունների կողմից մատուցվող ծառայությունների դիմաց գանձվող վճարների դրույքաչափերը և արտոնությունները սահմանելու մասին» N 80-Ն որոշման 1-ին կետը լրացնել հետևյալ բովանդակությամբ նոր՝ 11-րդ ենթակետով՝

«11) Հայաստանի Հանրապետության օրենսդրությամբ սահմանված կարգով հաստատված ճարտարապետաշինարարական նախագծին համապատասխան՝ նոր շենքերի, շինությունների (ներառյալ՝ ոչ հիմնական) շինարարության (տեղադրման) տրամադրված թույլտվության ժամկետի երկարաձգման դիմաց գանձվող վճարի չափը՝ տրամադրված թույլտվության համար վճարված տեղական տուրքի չափով:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից և տարածվում է 2021 թվականի հունվարի 1-ից հետո առաջացած հարաբերությունների վրա:

Կողմ-----7----- Դեմ-----0----- Ձեռնպահ-----0-----

Որոշումն ընդունված է. /կցվում է որոշում N 50-Ն/

Լսեցին

ՋԵՐՄՈՒԿ ՀԱՄԱՅՆՔԻ ԱՎԱԳԱՆՈՒ 2020 ԹՎԱԿԱՆԻ ՀՈԿՏԵՄԲԵՐԻ 2-Ի N 65-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

/Ձեկ. Գոհար Թադևոսյան/

«Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 1-ին մասի 1-ին կետին համապատասխան, հիմք ընդունելով Հայաստանի Հանրապետության Հողային օրենսգրքի 67-րդ հոդվածի 2-րդ մասը և Հայաստանի Հանրապետության կառավարության 2020 թվականի հունիսի 4-ի «Հայաստանի Հանրապետության հողամասերի (բացառությամբ գյուղատնտեսական նշանակության հողերի) և շինությունների տարածազնահատման (գտնվելու վայրի) գոտիականության սահմանները, սահմանների կորոդինատներն ու տարածազնահատման գոտիականության քարտեզները սահմանելու, Հայաստանի Հանրապետության կառավարության 2003 թվականի ապրիլի 17-ի N 470-Ն, 1994 թվականի սեպտեմբերի 28-ի N 462 որոշումներն ուժը կորցրած ճանաչելու և 2002 թվականի հուլիսի 25-ի N 1101-Ն որոշման մեջ փոփոխություններ կատարելու մասին» N 1023-Ն որոշումը՝

1. Ջերմուկ համայնքի ավագանու 2020 թվականի հոկտեմբերի 2-ի «Ջերմուկ համայնքի սեփականություն համարվող հողամասերը օտարելու, աճուրդային եղանակով վաճառքի մեկնարկային գինն ու պայմանները հաստատելու մասին» N 65-Ա որոշման մեջ կատարել հետևյալ փոփոխությունը՝ որոշման 1-ին կետում «450 000 (չորս հարյուր հիսուն հազար)» թիվը փոխարինել «1575000 (մեկ միլիոն հինգ հարյուր յոթանասունհինգ հազար)» թվով:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-----7----- Դեմ-----0----- Ձեռնպահ-----0-----

Որոշումն ընդունված է. /կցվում է որոշում N 51-Ա/

Լսեցին

ՋԵՐՄՈՒԿ ՀԱՄԱՅՆՔԻ ԱՎԱԳԱՆՈՒ 2021 ԹՎԱԿԱՆԻ ՀՈՒՆՎԱՐԻ 25-Ի N 10-Ա ՈՐՈՇՄԱՆ ՄԵՋ ԼՐԱՅՈՒՄ ԿԱՏԱՐԵԼՈՒ ՄԱՍԻՆ

/Ձեկ. Գոհար Թադևոսյան/

«Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 3-րդ մասին և 34-րդ հոդվածին համապատասխան՝

1. Ջերմուկ համայնքի ավագանու 2021 թվականի հունվարի 25-ի «Ջերմուկ համայնքի սեփականություն հանդիսացող հողամասերը օտարելու, աճուրդային եղանակով վաճառքի մեկնարկային գները հաստատելու մասին» N 10-Ա որոշման մեջ կատարել հետևյալ լրացումը՝ որոշման հավելվածի ցանկը 27-րդ տողից հետո լրացնել նոր՝ 28-35-րդ տողերով՝ հետևյալ բովանդակությամբ՝

28	գյուղատնտեսական գործունեության համար	Գյուղ Գնդեվազ	1,054054	100000	10-016-0208-0104	գյուղատնտեսական	արոտավայր
29	բնակելի կառուցապատման համար	Գյուղ Գնդեվազ, 1-ին փողոց, 8-րդ փակուղի N 3	0,14992	1190000	10-016-0040-0012	բնակավայրերի	բնակելի կառուցապատման
30	բնակելի կառուցապատման համար	Գյուղ Գնդեվազ, 1-ին փողոց, 8-րդ փակուղի N 7	0,13010	1050000	10-016-0040-0020	բնակավայրերի	բնակելի կառուցապատման և այլ
31	հասարակական կառուցապատման համար	ք. Ջերմուկ, Ձախսափնյակ թաղամաս, 8-րդ փողոց N 2	0,0024	70000	10-002-0034-0082	բնակավայրերի	հասարակական կառուցապատման
32	գյուղատնտեսական գործունեության համար	գյուղ Հերիեր	1,07374	710000	10-028-0113-0038	գյուղատնտեսական	վարելահող, այլ հողատեսք
33	գյուղատնտեսական գործունեության համար	գյուղ Հերիեր	0,50756	300000	10-028-0176-	գյուղատնտեսական	վարելահող, այլ հողատեսք
34	գյուղատնտեսական գործունեության համար	գյուղ Հերիեր	0,39723	200000	10-028-0149-	գյուղատնտեսական	վարելահող, այլ հողատեսք
35	գյուղատնտեսական գործունեության համար	գյուղ Հերիեր	0,11063	15 000	10-028-0149-	գյուղատնտեսական	այլ հողատեսք

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ 7 Դեմ 0 Ձեռնպահ 0

Որոշումն ընդունված է. /կցվում է որոշում N 52-Ա/

Լսեցին

ՋԵՐՄՈՒԿ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԿԱՐՄՐԱՇԵՆ ԳՅՈՒՂԻ 2-ՐԴ ՓՈՂՈՑԻ 12-ՐԴ ՇԵՆՔԻ N 4 ԲՆԱԿԱՐԱՆԸ ԱՆՀԱՏՈՒՅՑ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ՏՐԱՄԱԴՐԵԼՈՒ ՄԱՍԻՆ

/Ձեկ. Գոհար Թադևոսյան/

«Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ կետին համապատասխան

1. Համաձայնվել Ջերմուկ համայնքի սեփականություն համարվող Կարմրաշեն գյուղի 2-րդ փողոցի 12-րդ շենքի N 4 բնակարանը, մակերեսը՝ 58,7 քմ, համայնքի Կարմրաշեն գյուղի բնակիչ, այդ բնակարանը օգտագործող և տիրապետող Դավիթ Հայրիկի Գալստյանին անհատույց սեփականության իրավունքով տրամադրելու մասին համայնքի ղեկավարի առաջարկությանը:

2. Սույն որոշումն ուժի մեջ է մտնում ընդունմանը հաջորդող օրվանից:

Կողմ 7 Դեմ 0 Ձեռնպահ 0

Որոշումն ընդունված է. /կցվում է որոշում N 53-Ա/

Լսեցին

ՋԵՐՄՈՒԿ ՀԱՄԱՅՆՔԻ 2021 ԹՎԱԿԱՆԻ ՀՈՂԱՅԻՆ ՀԱՇՎԵԿՇՈՒՆ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

/Ձեկ. Գոհար Թադևոսյան/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով և Հայաստանի Հանրապետության կառավարության 2000 թվականի հոկտեմբերի 23-ի «Հայաստանի Հանրապետության հողային հաշվեկշիռը կազմելու կարգը հաստատելու մասին» N 656 որոշմամբ հաստատված կարգի 9-րդ կետով՝

1. Համաձայնություն տալ 2021 թվականի հուլիսի 1-ի դրությամբ կազմված Ջերմուկ համայնքի հողային հաշվեկշիռին՝ համաձայն N 1 և N 2 հավելվածների (Ձև 22 և Ձև 22ա):

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ 7 Դեմ 0 Ձեռնպահ 0

Որոշումն ընդունված է. /կցվում է որոշում N 54-Ա/

Լսեցին

«ՎՈՒ ԴԻՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԿԱՐԻՔՆԵՐԻ ՀԱՄԱՐ ՀՈՂԱՄԱՍԻ ՍԵՐՎԻՏՈՒՏ ՍԱՀՄԱՆԵԼՈՒ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

/Զեկ. Արսեն Գառնիկյան/

«Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ կետի հիման վրա, Հայաստանի Հանրապետության հողային օրենսգրքի 50-րդ հոդվածի 3-րդ մասի 2-րդ կետին, 5-րդ մասի 2-րդ պարբերությանը և Հայաստանի Հանրապետության քաղաքացիական օրենսգրքի 210-րդ և 216-րդ հոդվածներին համապատասխան՝

1. Համաձայնվել «Վու Դին» ՍՊ ընկերության կարիքների համար (էլեկտրահաղորդման գծերի անցկացման և շահագործման) Ջերմուկ համայնքի Ջերմուկ քաղաքի վարչական տարածքում՝ Երևանյան խճուղու երկայնքով գտնվող 0,83479 հա մակերեսով հողամասի գույքային սերվիտուտ սահմանելու մասին համայնքի ղեկավարի առաջարկությանը:

2. Սույն որոշման 1-ին կետում նշված հողամասի օգտագործման համար սահմանել վճար. սերվիտուտի պետական գրանցման պահից՝ ամսական 10 000 (տասը հազար) ՀՀ դրամ:

3. Սույն որոշումն ուժի մեջ է մտնում հրապարակմանը հաջորդող օրվանից:

Կողմ----- 7 ----- Դեմ----- 0 ----- Ձեռնպահ----- 0 -----

Որոշումն ընդունված է. /կցվում է որոշում N 55-Ա/

Լսեցին

ՋԵՐՄՈՒԿ ՀԱՄԱՅՆՔԻ ՋԵՐՄՈՒԿ ՔԱՂԱՔԻ ՇԱՀՈՒՄՅԱՆ ՓՈՂՈՑԻ N 7/5/5 ՀԱՍՑԵՈՒՄ ԳՏՆՎՈՂ ՀՈՂԱՄԱՍԸ ԿԱՌՈՒՑԱՊԱՏՄԱՆ ԻՐԱՎՈՒՆՔՈՎ ՏՐԱՄԱԴՐԵԼՈՒ ՀԱՄԱՁԱՅՆՈՒԹՅՈՒՆ ՏԱԼՈՒ, ՏԱՐԵԿԱՆ ՎՃԱՐԻ ԳԻՆԸ ԵՎ ՊԱՅՄԱՆՆԵՐԸ ՀԱՍՏԱՏԵԼՈՒ ՄԱՍԻՆ

/Զեկ. Արսեն Գառնիկյան/

«Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ կետի հիման վրա, Հայաստանի Հանրապետության Հողային օրենսգրքի 46-րդ, 48¹-րդ և 76-րդ հոդվածներին, Հայաստանի Հանրապետության կառավարության 2001 թվականի ապրիլի 12-ի N 286 որոշմամբ հաստատված կարգի 46.2 կետին համապատասխան՝

1. Համաձայնություն տալ Ջերմուկ համայնքի Ջերմուկ քաղաքի Շահումյան փողոցի N 7/5/5 հասցեում գտնվող համայնքային սեփականություն հանդիսացող, 10-002-0009-0059 կադաստրային ծածկագրով 0,01216 հա մակերեսով բնակավայրերի նպատակային նշանակության հողամասը (գործառնական նշանակությունը՝ ընդհանուր օգտագործման) մրցույթային եղանակով կառուցապատման իրավունքով օգտագործման տրամադրելու մասին Ջերմուկի համայնքի ղեկավարի առաջարկությանը:

2. Սույն որոշման 1-ին կետում նշված հողամասի կառուցապատման իրավունքի տրամադրման տարեկան վճարի մեկնարկային գինը սահմանել 60 000 (վաթսուն հազար) դրամ, ժամկետը՝ 20 (քսան) տարի, նպատակը՝ տուրիստական կենտրոն և սպասարկման սրահ կառուցելու համար:

3. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-----7----- Դեմ-----0----- Ձեռնպահ-----0-----

Որոշումն ընդունված է. /կցվում է որոշում N 56-Ա/

Լսեցին

ՀԱՄԱՅՆՔԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԱՐԽԻՎԱՅԻՆ ՓԱՍՏԱԹՂԹԵՐԻ ՍԵՓԱԿԱՆՈՒԹՅԱՆ ԻՐԱՎՈՒՆՔԸ ՊԵՏՈՒԹՅԱՆԸ ՓՈԽԱՆՑԵԼՈՒ ՄԱՍԻՆ

/Ձեկ. Գոհար Թադևոսյան/

Համաձայն «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետի և «Արխիվային գործի մասին» Հայաստանի Հանրապետության օրենքի 6-րդ հոդվածի 1-ին մասի 2-րդ կետի

1. Ջերմուկի համայնքապետարանի աշխատակազմի 2015-2016 թվականը ներառյալ համայնքային սեփականություն համարվող արխիվացման ենթակա արխիվային փաստաթղթերի սեփականության իրավունքը փոխանցել «Հայաստանի ազգային արխիվ» պետական ոչ առևտրային կազմակերպությանը՝ որպես պետական սեփականություն:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-----7----- Դեմ-----0----- Ձեռնպահ-----0-----

Որոշումն ընդունված է. /կցվում է որոշում N 57-Ա/

Լսեցին

ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՏՆՕՐԵՆԻ ԹԱՓՈՒՐ ՊԱՇՏՈՆ ԶԲԱՂԵՑՆԵԼՈՒ ՄՐՑՈՒԹԱՅԻՆ ՀԱՆՁՆԱԺՈՂՈՎԻ ԿԱԶՄՈՒՄ ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄԻ ԵՎ ՀԱՄԱՅՆՔԻ ԱՎԱԳԱՆՈՒ ՆԵՐԿԱՅԱՑՈՒՑԻՉՆԵՐԻ ԹԵԿՆԱԾՈՒՆԵՐ ԱՌԱՋԱԴՐԵԼՈՒ ՄԱՍԻՆ

/Ձեկ. Գոհար Թադևոսյան/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով և Հայաստանի Հանրապետության Տարածքային կառավարման և ենթակառուցվածքների նախարարի 2020 թվականի մարտի 26-ի « Համայնքային ոչ առևտրային կազմակերպությունների տնօրենի թափուր պաշտոն զբաղեցնելու մրցույթի նախապատրաստման, անցկացման և արդյունքների ամփոփման կարգը հաստատելու մասին» N 02-Ն հրամանի հավելվածի 7-րդ կետով՝

1. Համայնքային ոչ առևտրային կազմակերպության տնօրենի թափուր պաշտոն զբաղեցնելու համար ձևավորվող մրցութային հանձնաժողովի կազմում համայնքապետարանի աշխատակազմի և համայնքի ավագանու ներկայացուցիչներ առաջադրել, համապատասխանաբար, համայնքապետարանի աշխատակազմի քարտուղար Գոհար Թադևոսյանին և ավագանու անդամ Արմեն Գրիգորյանին:

2. Սույն որոշումն ուժի մեջ է մտնում հրապարակմանը հաջորդող օրվանից:

Կողմ 7 Դեմ 0 Ձեռնպահ 0

Որոշումն ընդունված է /կցվում է որոշում N 58-Ա/

Լսեցին

ԴՐԱՄԱԿԱՆ ՀԱՏԿԱՅՈՒՄ ԿԱՏԱՐԵԼՈՒ ՄԱՍԻՆ

/Ձեկ. Վարդան Հովհաննիսյան/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 10-րդ հոդվածի 10-րդ և 11-րդ մասերով, 18-րդ հոդվածի 1-ին մասի 6-րդ կետով, Ջերմուկ համայնքի ավագանու 2018 թվականի հունվարի 19-ի «Հայաստանի Հանրապետության Վայոց ձորի մարզի Ջերմուկ համայնքի կամավոր խնդիրները, դրանց լուծմանն ուղղված սեփական լիազորությունները և դրանց իրականացման կարգը սահմանելու մասին» N 12-Ն որոշմամբ հաստատված կարգի 12-րդ կետով և հիմք ընդունելով համայնքի ղեկավարի առաջարկությունը՝

1. 44-օրյա պատերազմի օրերին Սյունիքի մարզի Տեղ համայնքի ինքնապաշտպանական ջոկատին ամրագրված և «Ջերմուկ համայնքի կոմունալ սպասարկում և բարեկարգում» ՀՈԱԿ-ի՝ իրեն ամրակցված JSB մակնիշի տրակտորով սահմանամերձ տեղանքներում ռազմահինժեներական աշխատանքներ կատարած՝ նշված ՀՈԱԿ-ի աշխատակից Աղվան Աբգարյանին, որպես պարգևատրում, հատկացնել 150 000 (հարյուր հիսուն հազար) դրամ:

2. Ջերմուկ համայնքի 2021 թվականի բյուջեի «Սոցիալապես անապահով անձանց աջակցություն» /4729/ հոդվածից 100 000-ական (հարյուր հազարական) դրամ ֆինանսական օգնություն տրամադրել համայնքի հետևյալ բնակիչներին՝ Հովհաննիսյան Բեյլա, Սողոմոնյան Շուշան, Գրիգորյան Ավագ, Մանասերյան Արևիկ, Հակոբջանյան Արմեն:

3. 2020 թվականի հոկտեմբեր-նոյեմբեր ամիսներին պատերազմի պատճառով Արցախից ժամանած երկու ընտանիքների իր սեփական՝ Ջերմուկ քաղաքի Մյասնիկյան փողոցի 24-րդ շենքի N 37 բնակարանում հյուրընկալված Ջերմուկ քաղաքի բնակիչ Ահարոն Թադևոսյանին հատկացնել 100500 (հարյուր հազար հինգ հարյուր) դրամ՝ բնակարանի՝ նշված ամիսներին սպառված գազի և էլեկտրաէներգիայի դիմաց վճարելու նպատակով:

4. 44-օրյա պատերազմի՝ սուբվենցիոն ծրագրով բարեկարգվող պանթեոնում չհուղարկավորված զոհերի գերեզմանների կառուցման և բարեկարգման նպատակով զոհերի ընտանիքներին աջակցելու նպատակով զոհվածների յուրաքանչյուր ընտանիքին, թվով՝ ութ, հատկացնել 500 000-ական (հինգ հարյուր հազարական) դրամ:

5. Ջերմուկ համայնքի Հերիեր գյուղի բնակիչ, միայնակ թոշակառու Զիվան Մինասյանի տան՝ ս/թ հունիսի 22-ի ուժեղ քամու հետևանքով ավերված տանիքը վերականգնելու

նպատակով Ջերմուկ համայնքի 2021 թվականի բյուջեից կատարել դրամական հատկացում 1200000 (մեկ միլիոն երկու հարյուր հազար) դրամի չափով՝ «Գնումների մասին» Հայաստանի Հանրապետության օրենքի 23-րդ հոդվածի 1-ին մասի 2-րդ կետին համապատասխան դրամական հատկացմամբ ձեռք բերվելիք ապրանքների գնումը կատարելով մեկ անձից:

6. Ընդունել ի գիտություն, որ համայնքի բյուջեի ֆոնդային մասի համապատասխան հոդվածից առաջիկայում դրամական հատկացում է կատարվելու Հայաստանի Հանրապետության Պաշտպանության նախարարությանը՝ Ջերմուկ համայնքի սահմանամերձ տեղանքներում բլինդաժներ կառուցելու նպատակով:

7. Սույն որոշումն ուժի մեջ է մտնում հրապարակմանը հաջորդող օրվանից:

Կողմ 7 Դեմ 0 Ձեռնպահ 0

Որոշումն ընդունված է /կցվում է որոշում N 59-Ա/

Ավագանու անդամներ՝

ազգանուն, անուն	ստորագրություն
Բարսյան Կավկազ Զավենի	<i>Բարսյան</i>
Բարաջանյան Սանասար Խաչատուրի	<i>[Signature]</i>
Բագրատյան Արտակ Կառլենի	<i>[Signature]</i>
Բունիաթյան Մխիթար Խաչատուրի	<i>Բունիաթյան</i>
Գևորգյան Արտավազդ Վարազդատի	<i>[Signature]</i>
Գրիգորյան Արմեն Գրիշայի	<i>[Signature]</i>
Համբարձումյան Մխիթար Սամվելի	<i>Բարսյան</i>
Սարգսյան Հասմիկ Ժորայի	<i>[Signature]</i>
Սիմոնյան Արտուշ Էդվարդի	<i>[Signature]</i>
Ստեփանյան Գագիկ Ստեփանի	<i>[Signature]</i>

Ջերմուկ համայնքի ղեկավար՝ ՎԱՐԴԱՆ ՀՈՎՀԱՆՆԻՍՅԱՆ *[Signature]*

Նիսպոն արձանագրեց՝ Գոհար Թադևոսյանը *[Signature]*

